

Na osnovu člana 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“, broj 16/00., 7/05. i 4/06.), a u vezi sa članom 27. Zakona o izvršavanju Budžeta Zeničko-dobojskog kantona za 2014.godinu („Službene novine Zeničko-dobojskog kantona“, broj 15/13.), na prijedlog Ministarstva unutrašnjih poslova, Vlada Zeničko-dobojskog kantona, na 146. sjednici, održanoj dana 30.01.2014. godine, d o n o s i

ZAKLJUČAK

o usvajanju programa utroška kapitalnih sredstava Ministarstva unutrašnjih poslova za 2014.godinu

I.

Usvaja se program utroška kapitalnih sredstava Ministarstva unutrašnjih poslova za 2014.godinu („Službene novine Zeničko-dobojskog kantona“ broj 15/13.), sa razdjela 15, budžetska organizacija 01, potrošačka jedinica 0001, ekonomski kodovi 821 200, 821 300, 821 600, pozicije „Nabavka građevina“, „Nabavka opreme“ i „Rekonstrukcije i investiciono održavanje“ Budžeta Zeničko-dobojskog kantona za 2014. godinu u ukupnom iznosu od 1.666.475,00 KM (slovima: milionšeststotinašezdesetšesthiljada četiristotinesedamdesetpetkonvertibilnihmaraka).

- Program kapitalnih ulaganja za 2014.godinu-redovna sredstva, ekonomski kod 821 300, pozicija «Nabavka opreme» u iznosu od 788.000,00 KM (slovima: sedamstotinaosamdeset osamhiljada konvertibilnih maraka), i ekonomski kod 821 600 „Rekonstrukcije i investiciono održavanje“ u iznosu od 34.475,00 KM (slovima:tridesetčetirihiljadečetiristotinesedamdesetpet konvertibilnih maraka).
- Program kapitalnih ulaganja za 2014. godinu - namjenska sredstva, ekonomski kod 821 200, pozicija «Nabavka građevina» u iznosu od 250.000,00 KM (slovima: dvijestotinepedesthiljada konvertibilnih maraka)
- Program kapitalnih ulaganja za 2014. godinu - namjenska sredstva, ekonomski kod 821 300 «Nabavka opreme» u iznosu od 529.000,00 KM (slovima: petstotinadvadeset devet hiljada konvertibilnih maraka) i ekonomski kod 821 600 «Rekonstrukcije i investiciono održavanje» u iznosu od 65.000,00 KM (slovima: šezdesetpethiljada konvertibilnih maraka).

II.

Sredstva iz tačke I ovog zaključka realizovat će se u skladu sa odobrenim mjesečnim operativnim planovima, a usklađeno sa realizacijom javnih prihoda u prethodnom mjesecu, osim u slučajevima odobrenim posebnom odlukom Vlade Kantona, odnosno prilivom od izdavanja ličnih dokumenata (namjenska sredstva).

III.

Zadužuju se Ministarstvo unutrašnjih poslova i Ministarstvo finansija da u skladu sa zakonom i podzakonskim aktima realizuju ovaj zaključak, svako u okviru svojih nadležnosti.

IV.

Zadužuje se Ministarstvo unutrašnjih poslova da o utrošenim sredstvima po ovom programu polugodišnje izvještava Vladu Kantona.

V.

Zaključak stupa na snagu danom donošenja.

Broj: 02-_____ /14.

Datum, 30.01.2014. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo unutrašnjih poslova,

1x Ministarstvo finansija,

1x a/a.